

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-14-4-2558-7805

Datum: 17-12-2019

Na osnovu člana 70. Zakona o organizaciji organa uprave FBiH („Službene novine FBiH”, broj: 35/05), člana 23. stav 3. tačka c) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 3., Zakona o javnim nabavkama („Službeni glasnik Bosne i Hercegovine”, broj 39/14), te člana 230. stav 2. Zakona o upravnom postupku BiH („Službeni glasnik Bosne i Hercegovine” broj: 29/02, 12/04, 88/07, 93/09, 41/13 i 53/16) postupajući u ponovnom postupku na osnovu Rješenja Ureda za razmatranje žalbi BiH broj: JN2-01-07-1-2883-7/19 od 28.11.2019. godine, policijski komesar Uprave policije Ministarstva unutrašnjih poslova Kantona Sarajevo, d o n o s i:

**O D L U K U**

**I**

Otkazuje se otvoreni međunarodni postupak javne nabavke dijelova uniforme za policijske službenike za potrebe Uprave policije Ministarstva unutrašnjih poslova Kantona Sarajevo, pokrenut na osnovu Odluke broj: 02-14-4-2558 od 30.05.2019. godine.

Stavlja se van snage Odluka o izboru najpovoljnijeg ponuđača „Nabavka dijelova uniforme za policijske službenike“ broj: 02-14-4-2558-4 od 24.07-2019. godine, kako slijedi:

- LOT 1 – zimske jakne
- LOT 2 – košulje i pantalone.

**OBRAZLOŽENJE**

Na osnovu Odluke o pokretanju otvorenog međunarodnog postupka javne nabavke dijelova uniforme za policijske službenike Uprave policije Ministarstva unutrašnjih poslova Kantona Sarajevo broj: 02-14-4-2558 od 30.05.2019. godine, Obavještenja o nabavci broj: 16475-1-1-52-3-49/19 od 31.05.2019. godine, proveden je otvoreni međunarodni postupak za nabavku dijelova policijskih uniformi kako slijedi:

- LOT 1 – zimske jakne
- LOT 2 – košulje i pantalone.

Postupajući u ponovnom postupku po Rješenju Ureda za razmatranje žalbi BiH broj: JN2-01-07-1-2883-7/19 od 28.11.2019. godine, a imajući u vidu sve navode iz rješenja Ureda za razmatranje žalbi BiH, a kako drugostepeni organ nije naveo konkretno u kom pogledu treba upotpuniti postupak, u ponovnom postupku naknadno je izvršen uvid u kompletan postupak, te provedena sveobuhvatna kontrola i analiza, te se dalo utvrditi da kroj, boja i kvalitet materijala uniformi za policijske službenike predviđen LOT-om 1 i LOT-om 2 predmetne nabavke, u potpunosti odudara i nije u skladu sa tehničkim karakteristikama koje propisuje Uredba o jedinstvenoj policijskoj uniformi („Službene novine FBiH“ broj: 43/10) u članu 1.

Stoga bi, provođenjem postupka nabavke dijelova uniformi za policijske službenike po gore navedenim lotovima, bili povrijeđeni materijalni propisi kako slijedi:

- Ustav Federacije Bosne i Hercegovine („Službene novine FBiH“, broj: 1/94, 13/97, 16/02, 22/02, 52/02, 63/03, 9/04, 20/04, 33/04, 71/05, 72/05 i 88/08), poglavlje III – Podjela nadležnosti između Federalne i Kantonalne vlasti, član 4. stav 1. tačka a) kojim se predviđa da će policijske snage imati jedinstvene federalne uniforme sa kantonalnim oznakama;

- Uredba o jedinstvenoj policijskoj uniformi („Službene novine FBiH“ broj: 43/10) koja u članu 1. propisuje da se ovom Uredbom uređuje: „izgled, dijelovi i boja jedinstvene policijske uniforme svih policijskih snaga Federacije Bosne i Hercegovine, kao i oznake koje se nose na uniformi“.

- Zakon o policijskim službenicima Kantona Sarajevo („Službene novine Kantona Sarajevo“, broj: 38/18 i 26/19) koji članom 5. stav 2. i stav 3. predviđa da policijski službenici nose jedinstvene uniforme u Federaciji u skladu sa Ustavom Federacije, a da izgled, dijelove, boju i oznake policijske uniforme propisuje Uredba o jedinstvenoj policijskoj uniformi.

- Zakon o javnim nabavkama BiH („Službeni glasnik BiH“, broj: 39/14) član 3. stav 1. koji predviđa da se ugovorni organ u postupku javne nabavke prema ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi sa predmetom nabavke i njegovom svrhom.

Iz svega naprijed navedenog Ugovorni organ se suočio sa situacijom, izazvanom pravnom zabudom, gdje je u potpunosti obezvrijeđena svrha predmeta javne nabavke.

Nadalje, novi rukovodilac Uprave policije Ministarstva unutrašnjih poslova Kantona Sarajevo stupio je na dužnost 13.08.2019. godine, te je lako dokazivo da su rješavanja u upravnim stvarima koja se tiču perioda od 30.05.2019. godine do 24.07.2019. godine (Odluka o pokretanju postupka broj: 02-14-4-2558 od 30.05.2019. godine, Obavještenje o nabavci broj: 16475-1-1-52-3-49/19 od 31.05.2019. godine i Odluka o izboru najpovoljnijeg ponuđača broj: 02-14-4-2558-4 od 24.07-2019. godine) bila izvan kontrole Ugovornog organa, odnosno novoimenovanog policijskog komesara, pa samim tim nisu se mogla predvidjeti i spriječiti.

U vezi sa svim naprijed navedenim, postupajući u ponovnom postupku, a u skladu sa članom 69. stav 3., Zakona o javnim nabavkama („Službeni glasnik Bosne i Hercegovine“, broj 39/14), te članom 230. stav 2. Zakona o upravnom postupku BiH („Službeni glasnik Bosne i Hercegovine“ broj: 29/02, 12/04, 88/07, 93/09, 41/13 i 53/16), donesena je odluka kao u dispozitivu.

**POUKA O PRAVNOM LJJEKU:** Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove Odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Komisiji za javne nabavke
2. Sektor za materijalno finansijske poslove
3. Odjeljenju za odnose s javnošću, radi objave na web stranici ovog organa
4. Ponuđačima u postupku
5. a/a